

SIARAN MEDIA

JALAN RAJA CHULAN DIBUKA SEMULA UNTUK TRAFIK MENGHALA KE TUN RAZAK

Kuala Lumpur, 13 Mei 2014: Mass Rapid Transit Corporation Sdn Bhd (MRT Corp) ingin memberikan perkembangan terkini tentang penutupan jalan di Bukit Bintang.

MRT Corp ingin mengumumkan bahawa Jalan Raja Chulan sudah dibuka semula untuk aliran trafik yang menghala ke Jalan Tun Razak. Dua lorong di hadapan Chulan Square, yang sebelum ini ditutup sejak 7 Mei 2014, kini sudah dibuka untuk trafik.

Bagaimanapun, laluan masuk dari Jalan Raja Chulan ke Jalan Imbi masih lagi ditutup. Ini adalah untuk membolehkan Kontraktor Kerja Bawah Tanah Projek MRT, MMC Gamuda KVMRT (T) Sdn Bhd (MGKT) untuk meneruskan kerja-kerja rawatan tanah. Kerja rawatan tanah ini adalah untuk memperbaiki keadaan jalan setelah berlakunya mendapan tanah yang dikesan pada malam 6 Mei 2014, disebabkan paip yang pecah.

Penutupan yang berikut masih lagi dalam pelaksanaan:

- i. Jalan Bukit Bintang (menghala ke Pavilion) di hadapan Ruang Pameran Audi, yang dilaksanakan sejak 6 Mei 2014; dan
- ii. Jalan Bukit Bintang (menghala ke Jalan Tun Razak) di hadapan Bangunan LTAT dan Menara Worldwide (menghala ke Tun Razak) yang dilaksanakan sejak 23 April 2014. Pengguna jalan raya yang menghala ke Jalan Tun Razak dari Jalan Raja Chulan akan dilencongkan ke sebelah bertentangan Jalan Bukit Bintang dibawah sistem aliran trafik kontra.

Berikutan pembukaan semula Jalan Raja Chulan untuk aliran trafik yang menghala ke Jalan Tun Razak, pengguna jalan raya kini boleh mengakses Bangunan LTAT dan Menara Worldwide dari Jalan Raja Chulan.

Laluan masuk kanan sementara ke Bangunan LTAT dan Menara Worldwide dari Jalan Bukit Bintang (menghala ke Jalan Imbi), yang dilaksanakan semasa Jalan Raja Chulan ditutup, TIDAK LAGI boleh digunakan.



LENCONGAN JALAN

MRT Corp menasihati pengguna jalan raya agar menggunakan lencongan jalan yang berikut disebabkan penutupan di kawasan Bukit Bintang:

i) Dari Jalan Raja Chulan ke Jalan Bukit Bintang:

Dua lorong masih lagi dibuka dan boleh digunakan.

ii) Dari Jalan Raja Chulan ke Jalan Imbi:

Memandangkan laluan masuk kanan dari Jalan Raja Chulan ke Jalan Imbi masih ditutup, pengguna jalan raya perlu menggunakan jalan susur masuk di sebelah Pavilion untuk mengakses Jalan Bukit Bintang dan kemudiannya memasuki Jalan Yap Tai Chi untuk menuju ke Jalan Imbi.

iii) Jalan Bukit Bintang (menghala ke Pavilion):

Memandangkan sebahagian daripada jalan di hadapan Ruang Pameran Audi masih ditutup, semua aliran trafik di sepanjang Jalan Bukit Bintang dari Jalan Tun Razak akan dilencongan ke Jalan Imbi.

iv) Jalan Bukit Bintang (menghala ke Jalan Tun Razak):

Disebabkan sebahagian daripada Jalan Bukit Bintang (menghala ke Jalan Tun Razak) di hadapan Bangunan LTAT dan Menara Worldwide masih ditutup, pengguna jalan raya yang menghala ke Jalan Tun Razak dari Jalan Raja Chulan akan dilencongan ke sebelah bertentangan Jalan Bukit Bintang dibawah sistem trafik kontra.

KESELAMATAN PEJALAN KAKI

Memandangkan penutupan-penutupan ini juga menjejaskan laluan dan lintasan pejalan kaki di kawasan terbabit, MGKT telah mengenalpasti beberapa laluan dan lintasan yang selamat untuk pejalan kaki. Para pejalan kaki dinasihatkan agar mematuhi arahan papan tanda yang diletak di sepanjang jalan.

Polis trafik dan Pasukan Tindakan Kecemasan Projek MRT juga telah dihantar untuk mengawal aliran trafik.

MRT Corp ingin memohon maaf diatas segala kesulitan yang berlaku dan akan memberikan maklumat terkini berhubung keadaan penutupan jalan dan pembukaan jalan.


Untuk maklumat lanjut, orang awam boleh melayari laman sesawang MRT

di www.mymrt.com.my atau www.mymrt-underground.com.my,



Twitter @MRTMalaysia atau @MyMRTUnderground, Facebook @MRTMalaysia atau dengan menghubungi Hotline MRT di **1-800-82-6868**.

TAMAT



Untuk pertanyaan media, sila hubungi:

MMC-Gamuda KVMRT (T) Sdn Bhd

Cik Jalina Joheng

03-23858625 / jalina@kvmrt-ug.com.my

MRT Corp

En Leong Shen-li

012-3196602 / leong.shen-li@mymrt.com.my